

आकाशवाणी

1. प्रधानमंत्री नरेन्द्र मोदी होंरें पैहली ते दुए श्रेणी दे शैहें च ब्हाई संपर्क गी बढावा देने लेई विकसित उड़ान योजना दे अगले चरण दा शुभारंभ कीता ऐ।
2. केन्द्र सरकारै गों दी खुश-खरीद आहले मुल्ल च 13 फीसद दा बाददा करदे होई इसी 2 जहार 125 रपे फी क्विंटल करी दिता ऐ।
3. अस्ट्रेलिया दे प्रधानमंत्री एन्थनी एल्बनीज़ होंरें प्रधानमंत्री नरेन्द्र मोदी हुं ' दे प्रस्तावित दौरे शा पैहले इक मुख्क आर्थिक भ्याल दे तौर उप्पर भारत दी सराहना कीती ऐ।
4. मौसम विभाग ने आखेआ ऐ जे अगले किश दिनें दरान देसै दे मते सारे हिस्सें च भारी बरखा बरने दे असार न।
5. फीफा विश्व कप 2026 च फ्रांस ते मोरक्को क्वार्टरफाईनल च पुज्जी गे न।

<><><><><><>

PM-Viksit Udan

प्रधानमंत्री नरेन्द्र मोदी होंरें दुए ते त्रीये श्रेणी दे शैहरें ते दूर-दरेणे इलाकें च ब्हाई जातरा गी बढावा देने लेई इलाकाई ब्हाई संपर्क योजना विकसित उड़ान दा

अगला चरण शुरू कीता ऐ। श्री मोदी होरें कल राजस्थान दे जोधपुर ब्हाई अड्डे पर नमें टर्मिनल भवन दा बी उद्घाटन कीता जेहदे नै भारत दे सिविल हवाबाजी ढांचे ते इलाकाई संपर्क गी बढ़ावा मिलेआ ऐ। शैहरी हवाबाजी मंत्री राम मोहन नायडु होरें आखेआ ऐ जे विकसित उड्डान योजना दे शुरू होने कन्नै भारत दे इलाकाई संपर्क दा अगला ध्याय शुरू होग। श्री नायडु होरें आखेआ जे 28 ज्हार 840 करोड़ रुपें शा मते दे बजट कन्नै शुरू कीती गेदी एह योजना दुए ते त्रीये श्रेणी दे शैहरें च ब्हाई संपर्क गी मजबूत करग।

<><><><><><>

PM-Gujarat

प्रधानमंत्री नरेंद्र मोदी होरें कल गुजरात दे साणंद च भलेआं अज्जै-कल्लै दिएं तकनीक कन्नै लैस Outsourced Semiconductor Assembly ते टेस्ट प्लांट दा उद्घाटन कीता। केंद्री मंत्री अश्विनी वैशणव, गुजरात दे मुखमंत्री भूपेंद्र पटेल ते तकनीकी खेतर दिएं बड्डी हस्तिएं बी इस कार्यक्रमै च हिस्सा लैता। 7 ज्हार 500 करोड़ रुपें शा मते दी लागत कन्नै विकसित कीती गेदी इस सुविधा दी समर्थ हर साल 5 बिलियन सेमीकंडक्टर चिप तैयार करने दी होग। इस मौके पर किट्ठ अग्गे भाशण दिंदे होई प्रधानमंत्री होरें आखेआ जे साणंद च सी.जी.सेमी OSAT सुविधा नां छड़ा घरेलु स्तर पर चिप निर्माण दे खेतर गी तगड़ा बनाग, सगुआं आलमी सतह पर बी सेमीकंडक्टर आपूर्ति श्रृंखला च भारत दी स्थिति गी मजबूती देग।

<><><><><><>

PM-Rajasthan

जिआं जे पैहले बी खबर दिती जाई चुकी दी ऐ कि प्रधानमंत्री मोदी होरें राजस्थान च 1 लकख 5 जहार करोड़ रुपें शा मते दिएं विकास परियोजनाएं दे उद्घाटन कीते ते नीह पत्थर बी रक्खे। इनें प्रोजेक्टें कन्नै ढांचागत विकास, उर्जा, ट्रांसपोर्ट ते रोजगार सृजन दे खेतरें गी मजबूती मिलग। अपने दौरें दरान मोदी होरें जोधपुर ब्हाई अड्डे दी नमीं टर्मिनल इमारत दा उद्घाटन बी कीता।

<><><><><><>

Rajju-Monsoon Session

संसदीय मामलें दे मंत्री किरण रिजिजू होरें जानकारी दिती ऐ जे राष्ट्रपति द्रौपदी मुर्मू होरें 20 जुलाई थमां 13 अगस्त धोड़ी संसद दे मानसून इजलास सदने दे सरकार दे प्रस्ताव गी मंजूरी देई दिती ऐ। इस सत्र च राष्ट्रीय म्हत्व आहले मुद्दे उप्पर उचित बैहस-चर्चा ते फैसलें उप्पर खास जोर दिता जाग।

<><><><><><>

Govt. Onion Price

सरकार नै गंणें दे भाएं पर काबू रखने आस्तै सरकारी भण्डार लेई गंणें दी खरीद कीमतें च 13 फीसदी बाद्दा कीता ऐ। हून करसानें थमां प्याज 18 सौ 75 रुपें फी क्वांटल दे थाहर 21 सौ 25 रुपें फी क्वांटल दे स्हाबे खरीदेआ जाहग। खुराक उपभोक्ता मामले ते सार्वजनिक बण्ड बिक्री सरबन्धी मंत्रालय नै दस्सेआ ऐ

एह नमीं खरीद कीमतां तुरत प्रभाव थमां लागू होई सकदियां न। मंत्रालय दे मताबक बधी दिये खरीद कीमते कन्ने गंा दे करसाने गी बेहतर लाह हासल होग ते कन्ने गै बफर खरीद आस्तै गंा खरीदने दे प्रयासें गी बी मदाद थहोग।

<><><><><><><>

Anthony Albanese PM Visit

आस्ट्रेलिया दे प्रधानमंत्री एंथनी अल्बनीज हरें प्रधानमंत्री नरेद्र मोदी हुंदी औंदी आस्ट्रेलिया जातरा कोला पैहलो भारत गी आस्ट्रेलिया दे प्रधानमंत्री दफतर नै आखेआ ऐ कि दुनिया दी चैथी सब्भनें शा बड्पी ते सब्भनें शा तेजिया कन्ने बरोस करा' रदी अर्थबवस्था लेई बड़ा गै महत्वपूर्ण आर्थिक भ्याल ऐ। उनें आखेआ कि स्हाड़े सरबंध व्यापक राजनीति पर आधारित न।

<><><><><><><>

IMD-Monsoon

मौसम विभाग नै अगले किश दिनें तगर देसै दे ज्यादातर हिस्सें च तेज बरखा जारी रौहने दी मेद जताई ऐ। मौसम दी पेशनगाई मूजब अज्ज गुजरात, कोंकण, गोवा, मध्य महाराष्ट्र ते उपीसा च मौलाधार बरखा दा रे। अलट्र जारी कीता गेदा ऐ जिसलै जे छत्तीसगढ़, पूर्वी मध्य प्रदेश, पूर्वी राजस्थान, कर्नाटक, तेलंगाना ते विदर्भ लेई रे। अलर्ट ते जारी नेई कीता गेदा पर उत्थे बी बरखा दी मेद दस्सी गेदी ऐ। तोआई, असम, मेघालय, तटीय आंध्र प्रदेश, पच्छिम बंगाल दे पानी लग्ग इलाके हिमाचल प्रदेश, केरलम ते माहे च तेज बरखा दी संभावना जाहिर कीती

गेदी ऐ। जिसलै जे मराठवाड़ा, नागालैं, मणिपुर, मिजोरम, त्रिपुरा, तमिलनाडू, पुदुचेरी, कराईकल, उत्तराखं ते पच्छमी राजस्थान च बी बरखा पौने दे असार दस्से गेदे न।

<><><><><><>

EAM-Visit

विदेश मंत्री ए. एस. जयशंकर होर अज्जै थमां 10 जुलाई तगर कतर, बहरीन, कुवैत ते ओमान दे सरकारी दौरै पर जा'रदे न। इस दरान ओह इनें देशें दे विदेश मंत्रिएं ते नेताएं कन्नै मलाटी करंगन। विदेश मंत्रालय नै आखेआ ऐ कि इस जाततरा दा मकसद इनें मुखें कन्नै भारत दे दपक्खी सरबंधें गी मजबूत करना ते इलाकाई घटनाक्रमें ते सांझे हितें दे मुद्दें पर बिचार बटांदरा करना ऐ। कतर, बहरीन, कुवैत ते ओमान दा दौरा मुकम्मल करने दे बाद विदेश मंत्री होर 13 जुलाई गी न्यूयाक्र च संयुक्त राष्ट्र सुरक्षा परिषद दे 2028-29 आहले कार्जकाल लेई भारत दा अभियान शुरू करंगन।

<><><><><><>

Puri-Ethanol

पेट्रोलियम ते कुदरती गैस मंत्री हरदीप सिंह पुरी होरें आखेआ ऐ कि इथेनाल दा इस्तेमाल कोई नमी चीज जा नमी सोच दा नतीजा नेई ऐ, एहदी बरतून इक सदी कोला बी मते समें थमां हौंदी आरदी ऐ। कल राजस्थान च इक कार्जक्रम गी संबोधित करदे होई पुरी होरें आखेआ कि सरकार अपने जैविक ईंधन मिश्रण

कार्यक्रम दी रचनात्मक नुख्ताचीनी दा सुआगत करदी ऐ। उनें भरोसा दोआया कि सरकार इस बारे थहोने आहले सुझाएं पर संजीदगी कन्नै बचार करियें लोइचदे बदलाव ते सुधार जरूर करोग। मंत्री होरें अग्गे आखेआ कि भारत च इथेनाल मिश्रण दा बचार सारें शा पैहले कांग्रेस सरकार दरान शुरू होआ हा ते उस दरान 10 राज्यें ते केंद्र शासित प्रदेशें च 5 प्रतिशत इथेनाल दा लक्ष्य तैह कीता गेआ हा पर ओल्लै छड़ा 1 इशारिया 4 प्रतिशत मिश्रण गै हासल कीता जाई सकेआ हा।

<><><><><><>

FIFA-World Cup

फीफा विश्व कप एल्लै अपने सब्भनें शा दिलचस्प दौर शालंग्घरदा ऐ। प्रिक्वार्टर फाइनल यानि राउं आफ सिक्सटीन मकाबले बरोबर जारी न। इक मकाबले च मोरक्को नै मेजबान कना गी 3-0 कन्नै हराइयें क्वार्टर फाइनल च अपनी थाहर पक्की करी लैती ऐ जिसलै जे फ्रांस नै पराग्वे गी 1-0 कन्नै हराइयें अगले दौर च प्रवेश करी लैता ऐ। तोआई, कल मजूदा चैंपियन अर्जटीना नै काबो वर् गी 372 कन्नै हराइयें अगले दौर च प्रवेश करी लैता हा।

<><><><><><>